



'Reci: 'Allahu moj, uputi me i učini me ispravnim.' Uputa je kao tvoje koračenje ispravnim putem, a ispravnost je kao preciznost tvoje strijele.'

Alija radijallahu 'anhu kaže: "Rekao mi je Poslanik, sallallahu 'alejhi ve sellem: 'Reci: 'Allahu moj, uputi me i učini me ispravnim.' Uputa je kao tvoje koračenje ispravnim putem, a ispravnost je kao preciznost tvoje strijele."

[صحيح] [رواه مسلم]

Poslanik, sallallahu alejhi ve sellem, naredio je Aliji ibn Ebi Talibu, radijallahu anhu, da moli Allaha ovim riječima: "Allahu moj, uputi me", tj. usmjeri me i pokaži mi Pravi put, kao i da uči: "Učini me ispravnim", tj. pomoz mi i učini me ustrajnim i da sve što radim bude ispravno. Uputa znači spoznaju istine i uopšteno i detaljno, i cjelovitu sliku i partikularije, a postizanje uspjeha biva u slijeđenju istine, i formalno i suštinski. Sedad (ispravnost) znači činjenje svega na ispravan način. To je pravi put u govoru, djelima i uvjerenjima. Da bi ova duhovna stvar bila jasnija kroz ono što je opipljivo, prisjeti se dok izgovaraš ovu dovu da je uputa poput hodanja pravim putem. Neka tvoje srce bude potpuno posvećeno dok moliš za uputu, isto kao što i putnik traži pravac i stazu kojom hodi. Putnik ne skreće ni desno ni lijevo s puta, kako se ne bi izgubio, te kako bi osigurao svoju sigurnost i brzo stigao do krajnjeg cilja. Ispravnost je kao preciznost strijele. Kada naciljaš strijelu, primjećuješ kako ona brzo stiže do mete i pogada cilj. Strijelac, kada cilja, usmjeri strijelu ka meti. Na isti način moli Allaha, dž.š., da tvoje namjere budu poput te strijele - precizne i usmjerene. U tvojoj dovi tražiš vrhunac upute i najviši stepen ispravnosti. Neka ti ovo značenje bude prisutno u srcu dok moliš Allaha za ispravnost, kako bi tvoje namjere bile u skladu s onim što koristiš da bi stigao do cilja.

<https://sunnah.global/hadeeth/bs/show/5915>

